

Preludio/pannakasindi ti kandela

Himno ti Panagsagana **O ESPIRITO SANTO**

O Espirito Santo, mangidalan kadadakam  
Dakam ti ilasatmo ti peggad a pagnaan

**CANIAC CAD ITEDMO** (*Fill Me Now*)

Kaniac kad itedmo, Diosko, Ti Espiritu Santo  
Tapno pusok ti serkenna, Ket unegkot' punnoenna.

**Koro:** PunnoennaK, punnoennaK,  
Ti Espiritu narniag  
Nga agnaed Koma KaniaK;  
Itedmo ta punnoennaK.

Ti Espiritum itedmo, Yetnagmo Kaniac Apo;  
Ta masapul a kiredKo, A Kas mangidalanKo.

Kapuyco toy naiduma, No siak ti agmaymaysa;  
Ti Espiritum nga ita, Itdem kaniak a pigsa.

Kablaaw

Pannakaibasa ti Padto

Joel 2: 28-32

28 Kuna ti Apo: "Kalpasanna, ibuyatkonto ti Espirituk iti amin a tao. Ipakaammonto dagiti annakyo ti mensahek; agdarepdepto dagiti lallakayyo, ket agparmatanto dagiti lallaki nga agtutuboyo. 29 Iti daya a tiempo, ibuyatkonto ti Espirituk uray pay kadagiti adipen, lalaki man wenno babai. 30 "Iti daya nga aldaw, agipakitaakto kadagiti ballaag iti tangatang ken ditoy daga. Addanto pannakaibuyat ti dara, addanto apuy ken asimbuyok. 31 Agsipngetto ti init, ket lumabbaganto ti bulan a kas iti dara sakbay a dumteng ti naindaklan ken nakabutbuteng nga aldaw ni Yahweh. 32 Ngem maispalto dagiti amin nga agpatulong ken ni Yahweh. Kas kinunana, 'Addanto dagiti makalasad idia Jerusalem; makalasadto dagiti piliek."

Himno a Pagdayaw

**DIOS AMA NAASI**

(*Come Thou Almighty King*)

Dios Ama naasi, Tulong itdem kadi; Kadakami,  
Dios a nagloriaan, Sika ti mangaywan,  
Bantayannakam ngad ti inaldaw

Dios Ama naayat, Inka kad ipangag Toy kararag;  
Bendisionmo ngarud; Asim di mabubos,  
Urayenmi Jesus, A magun-od.

Espiritu Santo, Liwliwa ken dungngo; Ti itedmo,  
Sika ti agari, Itoy puspusomi; Sika ti napili a kiredmi.

Personas talloda, Trinidad nangina, Maymaysada;  
O Dios a nabileg, Dayaw inkam ited, Kenka inkam amin, a tumalin.

\* Imbokasion

Biag ti Iglesia ken Pakaseknan/ Kablaaw

Panagbabawi (Amin)

Ammami a nailangitan, idumogmi ti ulomi iti sangoanam a kas ipudnomi kenka a masansan a malipatanmi a kukuanakami. No daddauma bakbaklayenmi ti biagmi nalipatanmi nga addaka a Dios ket maliwayanmi nga agbalin a saksim. Gapu iti daytoy, dawatenmi ti pmmakawan ken pammakiredmo kadakami. Ikkannakamiiti nalawag apanunot ken silulukat a puso tapno mkapapagsaksikami iti lubong. Ipalagipmo kadi nga agbiag a kas iti pagayatam iti baet dagiti kinasiasinomi. Tenglennakam ken bangonem ti relasionmi kenka ken dagiti impaaymo kadakami ditoy daga.

**Pammatalged ti Pannakapakawan**

**Ayab ti Panagkararag Isaias 55:6**

**Kararag ti Gimong**

**Himno ti Kinapudno "More about Jesus Would I Know" CLH 225**

More about Jesus would I know, More of His grace to others show;  
More of his saving fullness see, More of His love who died for me.

More about Jesus let me learn, More of His holy will discern.  
Spirit of God, my teacher be', Showing the things of Christ to me.

More about Jesus in His Word, Holding communion with my Lord;  
Hearing His voice in every line, Making each faithful saying mine.

## Refrain

*More, more about Jesus, More, more about Jesus,  
More of His saving fullness, More of His love who died for me, Amen.*

\* Pannakaibasa ti Teksto

Lucas 19:1-10

**Sungbat:** Thy Word is lamp unto my feet and a light unto my path (2X).

\*Mensahe ti kanta

\* Mensahe ti Apo Rev. Noel Pagdilao, CM Northwets Luzon Conf.

Panangipaay kadagiti biag ken Sagsagut

-Ayab iti Panangted

\* Offertory Song

\* Doksolohia/ Kararag ti Pannangted

Himno ti Pammatalged **AMMOK DAYDIAY PINATIK**

*(I Know Whom I Have Believed)*

Apay ngata a ni Jesus Impaayna kaniak?  
Grasiana a di mabubos Ket insalakannak.

**Koro:** Ngem ammok met daydiay pinatik,  
Ket namnamaek, A mabalinna  
Nga idulin, salakniban, Aginggat' panungpalan

Apay nga intedna kaniak Pammati mangispal  
Ket ti napateg a Saona Pusok talnat' yegna.

Diak maawatan no kasano A ti Espiritu  
Balbaliwanna ti puso Agtulnog ken Cristo.

Diak ammo no inton ano Ti yaay ti Apo,  
No mapanakto sumango Wenno agurayak.

## Kararag

**Pemendision (amin) Numero** 6:24-26

Bendisionannakayo koma ti APO ket aywanannakayo.  
Kaasiannakayo koma ti APO ket paraburannakayo.  
Kitaennakayo koma a siaayat ti APO ket ikkannakayo iti talna.

**Sungbat:** Koro ti Ammok daydiay Pinatik

**Dismisal**



**United Church of Christ in the Philippines  
NORTH LUZON JURISDICTION**

## Pentecost Sunday



**May 31, 2020**

Ti Pentecostes ket isu ti kasangay ti na-Cristianoan nga Iglesia, Ti Espiritu Santo immay kadagiti namati a naurnong iti maysa a lugar babaen iti sinan dila nga apuy a nagwaras ken nagdissoadakuada (Aramid 2:1-4);  
Ti Pentecostes kasta met ti Paskua ken panagungar ket maysa kadagiti naindaklan a piesta ti na-cristianoan a pammati. Saanna laeng nga ipalagip ti iyaay ti Espiritu Santo kadagiti namati ken adalan, ngem uray ti bunga ken naaramidan dayta a pasamak: ti pannakakompleto ti aramid ti pannakasubbot, ti kinaan-anay ti parabur para iti Iglesia ken dagiti annakna, kasta met ti sagut ti pammati para kadagiti pagilian

*(Trinity Communications 2020)*

